

Roho Mtakatifu Msaidizi Wetu

Kwa kuwa wote wanaoongozwa na Roho wa Mungu, hao ndio wana wa Mungu—**Warumi 8:14.**

Kupitia huduma ya malaika Roho Mtakatifu anawezeshwa kufanya kazi juu ya akili na moyo wa wakala wa kibinadamu na kwa kutumia huduma ya malaika humvuta aje kwa Kristo.... Lakini Roho wa Mungu haingilii uhuru wa wakala wa kibinadamu. Roho Mtakatifu ametolewa ili kuwa Msaidizi, ili kwamba mwanadamu ashirikiane na Mungu na ni kazi Yake kuivuta roho lakini bila kulazimisha utii.

Kristo yuko tayari kuleta mvuto wote wa mbinguni. Anajua kila jaribu ambalo humjia mwanadamu na uwezo wa kila mtu. Anapima uwezo wake. Anaona wakati uliopo na ujao na kuwasilisha akilini majukumu ambayo yanapaswa kutimizwa na kusesitiza kwamba mambo ya kawaida ya kidunia yasiruhusiwe kutushughulisha kiasi kwamba mambo ya umilele yatakosa kuzingatiwa. Bwana anayo neema kamilifu kwa kila mtu ambaye atapokea karama ya mbinguni. Roho Mtakatifu ataleta uwezo uliotoka kwa Mungu katika huduma ya Kristo, Naye atafinyanga na kutengeneza wakala wa kibinadamu kulingana na Kielelezo cha Mungu.

Roho Mtakatifu ni ufanisi wetu katika kazi ya kujenga tabia, katika kuunda tabia kulingana na mfano wa Mungu. Tunapofikiri kuwa sisi wenyewe tunaweza kuunda uzoefu wetu wenyewe, tunafanya kosa kubwa. Kamwe sisi wenyewe hatuwezi kupata ushindi dhidi ya majaribu. Lakini wale walio na imani ya kweli kwa Yesu Kristo watawezeshwa na Roho na Mtakatifu. Mtu ambaye moyoni mwake imani inadumu atakua hata kuwa hekalu zuri kwa ajili ya Bwana. Anaongozwa na neema ya Kristo. Atakua kulingana tu na anavyotegemea ufundishaji wa Roho Mtakatifu.

Mvuto wa Roho Mtakatifu ni kukaa kwa Yesu ndani ya nafsi. Kwa sasa hatumwoni Yesu na kuongea Naye, lakini Roho Wake Mtakatifu yu karibu sana nasi kila mahali. Anafanya kazi ndani na kupitia kwa kila mtu anayempokea Kristo. Wale walio na uzoefu wa ukaaji moyoni wa Roho Mtakatifu huonesha tunda la Roho—upendo, furaha, amani, uvumilivu, utu wema, fadhili, imani, upole na kiasi.